

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Urkunden und Akten der Stadt Strassburg

Politische Urkunden von 1332 bis 1380

Witte, Hans

Straßburg, 1896

1370

[urn:nbn:de:bsz:31-326758](https://nbn-resolving.org/urn:nbn:de:bsz:31-326758)

selben vier türnoson nicht hindern noch irren sullen in dheyneweiz, sunder sie dorczu bis an unser widerrufen und do bey hanthaben, schuczen und schirmen, alz sie unser und des richs swere ungenad vormeyden wellen. Mit urkund diez briefes versigelt mit unserr keiserlichen m[aj]estat ingesigele. Geben czu Prage noch Crists geburd dreyczenhundert jar dornach in dem sybenczigstem jare an dem freytag noch dem oberistem tage, unserr riche in dem vier und czwenczigstem und des keiser-
 5 tums in dem fomfzenden jare.

[Auf dem Bug rechts] per dominum Pragensem archiepiscopum
 P[etrus] Jaurensis.

10 [In verso] R. Johannes de Geilnhusen.

A Str. St. A. AA 3 nr. 6. or. mb. c. sig. pend. del.

B ebenda Briefb. A 28 b.

Gedruckt nach B bei Schöpflin Als. dipl. II, 261. — Huber reg. nr. 4798.

852. Kaiser Karl IV an Straßburg: Will die Streitigkeit über Grafen-
 15 staden u. s. w. bei seiner bevorstehenden Anknuff am Rheine selbst untersuchen.

1370 Januar 11 Prag.

Wir Karle von [gotz]^a gnaden Römisch keiser zû allen ziten merer des riches und künig zû Beheim embietet dem burgermeister, dem rote und den burgern gemeynlich der stat zû Strasburg, unsern und des riches lieben getruwen, unsere gnade
 20 und alles gût. Lieben getruwen. Wanne wir vormoles Johansen Erben genant uwer mittelburger, unserme lieben getruwen, gantz maht geben hattent, daz er von unsern und des riches wegen Illekirche, Wickersheym und Grofenstaden mit iren gerihten und zûgehörden in pfandes wise lösen möhte, und ouch ime daz var über die Ille zû Grofenstaden, daz von uns und dem riche alz er uns vorgab zû lehene rüret, ver-
 25 lihen hattent also verre, obe es des hochgebornen Wentzlaw hertzogen zû Lätzelinburg, zû Lymburg und ze Brabant, des heiligen riches in Dâtschen landen gemeiner vicare, unsers lieben brüders, wille und gunst were, alz daz in unsern keiserlichen briefen, die wir ime dar über geben habent, vollekömenlicher begriffen ist; dar zû ouch der selbe unser brüder, alz wir vernomen habent, sinen gunst und willen geben
 30 hat¹ und sinem lantvogt zû Eilsazzen empfolhen, daz er den selben Johans uff die selben gûter schütze und schirme; und wanne ouch nû dar umb ir uns von uwere mittelburgere wegen, die die egenanten pfant inne habent, mit uwer erbern botschaft underwiset habent etzliche rehte und friheite, die ir zû den gûtern haben söllent, die uns vor niht kunt gewesen sint; und wanne wir nû der sachen und zweyunge zû
 35 diser zit keinen usztrag geben mögent, sunder wir habent willen mit gottes hülffe

a) Vorl. au.

¹ Dieser hatte die Belehnung mit der Fähre zu Grafenstaden bereits 1369 Sept. 20 (zu Yvois an sand Matheus abent) vollzogen. Ebendort V. C. G. Corp. A lad. 38. or. mb. c. sig. pend. del.

kürtzlichen zû Dútschen landen und an den Rin ze kómen, so ist unser meynunge und willen, daz danne do selbest ir und ouch Johans der vógenante für uns kómen súllent mit uwere kuntschafft und bewisunge, also daz wir zwúschent úch die sache uszgetragen und gerihten mögent, alz ouch wir dem egenanten Johanse unsern brieff gesant habent. Und dar umb so gebieten wir uwern truwen erszlich hy unsern und des riches hulden, daz ir die selben pfantschafft mitsampt dem var über die Ille also behaltent, alz sú vor gewesen sýnd, und obe ir den egenanten Johanse von der selben sachen wegen anegriffen oder beschediget hettent, daz daz alles widertan werde untz an unsere zükunfft alz vorgeschriben stet, alz ir unsere und des riches ungnade vermiden wellent. Geben zû Prage an dem nehsten fritage noch dem obresten tage unsere riche in dem 24 und des keisertüms in dem fünffzehenden jore.

Str. St. A. V. C. G. Corp. B lad. 28 nr. 31. cop. ch. saec. XIV. exeunt.

853. *Der Landvogt Stislav von der Weitenmühl und Meister und Rat von Straßburg treffen die Vereinbarung, daß der Streit zwischen Johann Erbe und Straßburger Bürgern um Grafenstaden u. s. w. dem Kaiser vorgelegt werden soll.*

1370 Januar 15.

Ich Styslāw von der Witenmülen lantvogt in Elsaz und wir Bertholt Zorn der meister und der rat von Strazburg tûnt kunt menglichem mit disem briefe, daz in der missehelle, die da waz von der Zórne und irre gemeiner wegen an disen nachgeschriben dórffern und von anderre unserre der egenanten stette burgere zû einem teile, andersite hern Johanse Erben einem ritter, die missehelle dar rûret von losunge wegen, die her Johans Erbe sprichet die er habe an den dórffern Illekirche, Grafenstaden und Illewickersheim. Dieselbe missehelle und waz da von uferstanden ist ich der egenante lantvogt und unsere der vógenanten stette erbern botten, die wir von unserm rate dar zû schicketent, úbertragen habent in die wise also hienach geschriben stât: daz ist also, daz sie zû beiden teilen schicken und varen súllent mit vollem gewalte uf den sunnendag drie wochen nach dem osterlichen dage, der zû nehste komet, vúr den allerdurchlúchtigsten fürsten unsern gnedigen herren herren Karlen von gotz gnāden Rómscher keyser zû allen ziten merer dez rychs und kúnig zû Beheim, wo er danne zû ziten ist, oder die rihter, die er von sinen keyserlichen gnāden, so er die sache verhórt, dar zû setzet oder schicket in sinem hofe, da er danne ist, in gerihtes wise. Und súllent óch zû beidensiten da bliiben und dem hofe nit entwichen, uncze daz die sache ein ende nimet, ez were danne daz gerihte vúr baz dage dar an mahtent. Die sol man óch vúrderliche halten, alse sie in danne bescheiden werdent, und sol óch keinre dem andern die sache durch mütwillen verziehen ān alle geverde. Und súllent óch die sachen vúrlegen nach klage, vorderunge und nach entwurten, alse sich die sache zû beidenteilen har gevertiget het, nach allen ergangen dingen und waz da von uferstanden ist hitze uf disen hütigen dag, und mag óch iederman darlegen waz er truwet, daz ime nütze und gût sie ān alle geverde. Also waz da gesprochen wirt zû rehte, daz súllent sie zû beidensiten

Mat 5.

stete halten bi iren eyden, also ez danne erteilt wirt, doch also daz daz gerichte niemanne an den lip noch gelide gån sol. Und sol och daz vürdingen niemanne schaden an keinen sinen rehten an alle geverde. Und der vorgeschriben dinge zû einem urkünde so ist min dez vorgenanten Styslav und unser der stette von Strazburg ingesigele an disen brief gehencket. Der wart geben an dem ersten zinsdage vor sant Anthonien dage in dem jare, da man zalte von gotz gebürte tusent jare drü-
hundert und sybentzig jare.

Str. St. A. V. C. G. Corp. B lad. 22. or. mb. c. 2 sig. pend. (1 (Stislav) del. 1 mut.)

Gedruckt Schöpflin Als. dipl. II. 262.

354. Rudolf markgraf zu Baden an meister und rat: Graf Eberhard von Wirttemberg hat vor dem landfrieden in Schwaben klage geführt, dasz Rudolf seine diener, die von Sahsenhein, widerrechtlich beraubt, verbrannt und gefangen hat. Der landfriede hat deshalb hilfe gegen Rudolf erteilt. Eberhards anklage sei iedoch unredlich in den dingen, daz wir ein offen redelichen widersagten kriege mit den von Sahsenhein und iren helffern gehabt hån, dar yn wir doch von ine braht und gedrungen wurden, und sie gefangen hån uff dem unsern in der getat unsers schaden in den brantstützen und hofsteten, als sie uns alzû und ye mittens branten und sie daz unser roupliche tribend und tragen fûnden, und daz grafe Eberhart syt her dicke und vil sine ernstliche briefe und andere sine erbere botschaft dar umbe an uns geschigt und getån hât und uns von der von Sahsenhein und ire helffere wegen umbe tage und friden erworben und gebetten hât und uns alle zit zû erkennende gap, wie er uns an den selben unsern vienden nit gerte ze irren noch ze hindern, und wie im unser missehelle under einandere ge-
truweliche leyt und åne sin schulde geschehen sy. Rudolf ist bereit, vor dem landfrieden tag mit Eberhard zu leisten. Er bittet die Strazburger, wo sich gelegenheit bietet, für ihu einzutreten. Datum Baden in vigilia conversionis sancti Pauli apostoli anno 70.
1370 Januar 24 Baden-Baden.

Str. St. A. AA 84. or. ch. lit. cl. e. sig. in v. impr. del.
Markgr. Reg. nr. 1271.

355. Der Reichsvikar Wenzel an Kaiser Karl IV: beschwert sich über die Haltung Straßburgs in der Grafenstadener Angelegenheit und bittet die Rechte des Reiches zu wahren.
[1370] Februar 18 Brüssel.

Durchluchtig furste, vervorsam here und gnediger bruder. Also ir gegunnet hant Jehans Erben zû losende die dörffer Gravenstaden, Yllekirche und Yllewikersheim von den van Strazburg burgern und yme ir des uwer keiserlichen briefe durch mine bete und dourch sime dienste willen geben hant, do laisze ich uwer gnade wiszen, das sii ime die dörffer nit zû losende woltent gebent und uwern

... alle Jahre zu dem Jahr, da man alle von Gott geborene ...
 ... in dem Jahr ...
 ...

... 1370 ...

...

... 1370 ...
 ...

...

...

... 1370 ...

... 1370 ...

briefen, mir und unserme lantvogten zû Elsz dez ungehorsam sint geweisen, der es van uern, des riches und minen wegen vil und dicke an sii gevordert het. Doch so sint die selben von Strazburg kume do zû braht, daz sii mit dem selben Jehans Erben in gerihtes wis vour uwer gnade kumen sullent up einen nemelichen tag uf das reht, und hant sich des gegenander verbunden und verbriefet, das Stislav van der Witenmulen unser lantvogt und die stat van Strazburg besigelt hant. Dar umb durchluchtig furste bitte ich uwer gnade, das ir uwer und des richs reht vast dar an haltent und ouch den enpfelhent ernstlich, die es von uern wegen verhoerende und richtende werdent, ob uch ander unnüsse irre, das doch die losunge vur sich gange durch des, daz die und ander gûter, die die van Strazburg inne hant, die zû dem riche horent, uch und dem riche nit entfremedet werdent. Ouch wisse uwer gnade, geschicht die losunge an den dôrfferen, das es uch und dem riche erlich ist und allen den nutzlich, die ir begnaden wellent semeliche und ander gûter zû losende, die uch und dem riche zû horent, der sii noch vil inne hant. Durchluchtig furste, got mûsze uch alzeit behuden. Gescrieben zû Bruxelle 18 tage in februario.

Der . . herczogh . . von Luezenburg, van Brabant und van Lymburg, des heiligen richs von uren gnaden gemeiner vicarius.

[*In verso*] Dem durchluchtigen fursten vervortsam heren mine gnedigen hern und bruder mine hern dem keiser.

Str. St. A. V. C. G. Corp. B lad. 28 nr. 30. or. ch. lit. d. e. sig. in v. impr. del.

856. *Der Provinzial des Predigerordens, Bruder Johannes, an Meister und Rat: beklagt sich, daß die Stadt den Orden nicht gegen die Klosterfrauen unterstütze.* [1370] Februar 22 Constanz.

Den erbern wisen hern den meistern und den räten der stat ze Strazburg enbüt ich brüder Johans provincial in Tüsch lande prediger ordens min dinst, min gebet und waz ich gûtes vermag. Gnedegen hern. Wen ich und der orden gemeinlich billich und gern allewegen tetin, waz uern gnaden gevellich ist, besûnder von der frôwen clôster wegen uwerre stette, so habe ich nû durch uwer bedte willen uf geslagen vierzehen tage den ban, den unser erwirdeger oberster meister hette geben wider die closterfrôwen, die sich yme und unserm orden frevelich hantd widersetzet, dar inne sie doch anders nit denn unordenlich frîheit und ungeistliche verlaszenheit sûchent. Wând nach aller meister in gotlicher kûnst und in den rechten bekennen so enmôgent sie von gehorsammi unsers ordens von der sache wegen, als unser heilger vatter der babst het geschrîben, in dieheine wise enbûnden werden. Und

a) hiernach gestrichen bisz von motu ober.

¹ Datiert nach nr. 863.

sie sint ðch alleine die fröwen unsers ordens in allem Tütschem lande, die sich in freislichkeit wider irn und unsern orden hent gesetzt, und enmôgent sich doch die selben frevelin frowen nit beclagen von unserm ûbgenauten meister noch von mir deheiner beswerde in worten noch in werken, wenn wir beide aller erst nûwelich in unsern âmptern zû in kûmen waren und uns dar zû sicherlich in herbönnen und noch zû tûn bereit sin, waz in von deheiner vorvarnder meisterschaft oder brüdern unsers ordens unrechtes oder kûmernis ic beschehen ist, daz wir in daz nach rechte gantzlich wöllen ablegen, wie gerne wir irer mit eren ledig weren und anders nit denn gottes lob und irer und aller unser undertan selen heil und ère meinen. Dar zû wir ðch in disen löffen aller anderrer unser frowen clöster herren, stedte und fründte hilfe und schirme gehabt han und haben âne allein von uch, do wir allermeist zûversicht von uweren eren und wisheit hetten und wir dar uber geinret worden, daz ir woltent, daz die obgeschriben clösterfrowen uwer stette ûnder unserre gehorsammi blihen. Wend aber ir mit hilfe, als ir wol vermöchtent, dar zû uns nit stürtent, da müstent wir uns als wir solten mit geistlichem recht in den selben sachen behelfen von anligender nôt unser selbes selen und eren, und haben ðch daz selbe mit behaltenisse uwerer hulde willen vorbaz ze tûn, als verrer als wir mit rechte sôllen oder môgen. Und sprich ðch sûnderlich in rechter warheit, daz mir durch uwerrer erwidiger stat löbes willen leit ist, daz ir unsern obgeschriben meister, der doch der vornemsten geistlicher manne einre ist bi babst, bi keiser, bi kûngen und bi fürsten, der die heilige cristenheit einen mag geleisten, als trostlos aller uwerer hilfe von uch lieszent scheiden und im und uns unmôglicher dinge âne mütent, daz wir des habstes gebot abe leiten, daz er âne unser zûtûn und mit unserm groszen misvallen, als got wól weiz, als wit cristenheit ist, het gesetzt. Über daz allez bit ich uch flizlich, daz ir uch mich und den orden und unser rechtvertege meinunge laut entpfolen sin. Wend daz wollen wir mit unserm gebedte allewege verdienen und got ûm uwer stette selde und ere flizlich bitten. Geschriben zû Costanz an sant Peters tage tage vor sant Mathias dag.

Str. St. A. V. D. G. lad. 71. or. ch. lit. cl. e. sig. in v. impr. del.

857. *Wolf von Eberstein u. A. an Straßburg: versichern die Stadt ihrer friedlichen Gesinnung.* 1370 Februar 23.

Den ersamen wisen lüten hern Berhtolt Zorn meister und rate zû Strazburg embieten wir Wolf von Eberstein, Wolf von Wunnenstein, Heintze Glatz von Lomersheim, Ulrich Trigel, Släf Cüntzelin, Aberlin Widenbösch und Aberlin Schütze unsern fründlichen dienst. Also ir uns mit uwerem briefe fründliche geschriben hant nach der botschaft, die wir uch vormals getân habent, daz ir anders nit mit uns wiszent zû tûnde haben danne lieb und gût, und woltent ir dar über ütztit mit uns zû schaffende haben, daz woltent ir uns erberlich vor laszen wiszen: also kûndent wir uch widerumbe mit disem briefe, daz ir unbesorget vor uns sin sôllent und dürffent uns ðch nit entsitzen uf alle die meynunge erberlich vor zû sagende,

also uwer brief stet an alles geverde. Mit urkünde diz offen briefes, der mit minem dez obgenanten von Eberstein eygem ingesigel von unser aller wegen indewendig getrucket besigelt ist. Dar zū habent wir gebeten den edeln hern Wilhelm von Eberstein den eltern, daz er och zū beszer gezügnúsze uns alle zū übersagende sin eygen ingesigel och har uf getrucket hat. Dez wir uns der obgenante von Eberstein der elter erkennen, daz wir daz durch bete willen dez obgenanten unsers vettern und och der andern gesellen getän habent. Datum in vigilia beati Mathie apostoli anno domini 1370.

Str. St. A. G. U. P. lad. 22. cop. ch. coacc.

858. *Straßburg an Basel: dankt für Vermittlung zwischen Götzeman Münich und dem Bischof von Straßburg, deren Streit an einem Tage in Mülhausen geschlichtet werden soll.* [1370 Februar 26.]

Unsern sundern gūten frūnden dem burgermeister und dem rate zū Basel embieten wir Berhtolt Zorn der meister und der rat von Strazburg unsern dienst. Also ir uns geschriben hant, daz ir mit hern Götzeman Müniche geretde habent, daz er und sin sun mit unserm herren dem bischofe von Strazburg einen friden halten wellent untze uf den nehsten sonnendag, also man singet in der heiligen cristenheit Reminiscere und den dag allen, und daz sie* einen dag mit ime da zwiscent leisten zū Mülhusen, also danckent wir uch dez selben uwers ernstes, den ir da mit gehebt hant, getruweliche und kündent uch da bi, daz wir mit dem selben unserm herren dem bischofe da von geretde hant. Der spricht, er welle den friden und die stallunge mit hern Götzeman Müniche und sinem sūne och gerne halten untze zū dem vorbenanten sonnendage Reminiscere und den selben sonnendag allen und einen dag mit in leisten zū Mülhusen von nū disem nehsten dunresdage frūge über ahte dage,¹ dar uffē wir och unsere erbern botten haben wellent. Und dar umbe so bittent wir uch, daz ir bestellent, daz der dag also vür sich gange und daz och ir uwere erbern botten dar uf schickent, und daz man lūge, wie sie mitenander gerihet werden mūgent. Da mit tūnt ir uns eine sunderbor frūntschafft. Uwer entwurte embietet uns umbe den dag wider. Datum feria tertia proxima post diem beati Mathie apostoli.

Str. St. A. G. U. P. lad. 163 nr. 11. Auf Pergament sorgfältig geschrieben ohne Adresse auf Rückseite. Wahrscheinlich wegen der Rasur nicht abgesandt.

a) hierzwischen eine Rasur von ca. 22—24 Buchstaben.

¹ [1370] Febr. 24. (datum Oberkirche in die b. Mathie apostoli) hatte Bischof Johann III Meister und Rat von Straßburg nach Mitteilung des Briefes der Stadt Basel entgegenkommend geantwortet und um einen Tag in Mülhausen auf den nächsten mendag nach der groszen vasinacht (März 4) mit Beteiligung der Städte Straßburg und Basel gebeten. — Or. ch. lit. d. ebendort AA 1101 nr. 25.

359. *Landvogt Ulrich von Finstingen an Straßburg: fordert Freilassung gefangener englischer Ritter.* [1370 März 3]¹ *Hagenau.*

Lieben fründ. Wir grüssend úch und lassend úch wissen, als Johan von Hohenstein und her Stisslaw von der Witenmûln bi úch sind gewesen von minen wegen und an úch hieschend die Englischen ritter, die da von úwern burgern und usser úwer stat nidergeworffen und gefangen sind, und in kein antwurt von úch werden kunde, dar nach wir uns gerichten kunnend, und óch ir wol wissend, wie mir min herr der hertzog von Brabant dar umb verschriben hat, do bitend wir úch ernstlich, daz ir úwer burger solich wellend halten, daz si die gefangen lidig sagen und in óch widerkeren und die gefangen in min hant stellen. Und hant si denn út an sú zú sprechend, sú müssend in tûn was reht und bescheidenlich ist. Und tûnd ernstlich her zú, daz úch sin min herre zú dankend hab, wan ir doch all zit gern friden gesehen hand. Wan mir min herr ser ernstlich befolhen hat, daz ich als ernstlich dar zú tû, als ich iemer múge, daz sú lidig werden, so mûs óch ich tûn, was er mir gebútet, als billich ist. Do tûnd ernstlichen her zú, als ir billich tûn súllent. Uwer verschriben antwurt land mich wissen. Geben zú Hagenôw an der grossen fasnacht.

Ulrich herr zú Finstingen lantvögt in Elsass.

[*In verso*] Den wisen und bescheiden dem meister und dem rate zú Strassburg.

Str. St. A. AA 81. or. ch. lit. cl. e. sig. in v. impr. del.
Gedruckt bei Schüller, Königsh. 899.

360. *Landvogt Stislav von der Weitenmühl an Straßburg: verspricht mit Johann Erbe zu verhandeln.* [1370 März 7] *Hagenau.*

Minen dienst bevor. Herre der meister und der rate. Alse ir mir verschriben hant von hern Johans Erben wegen, daz habe ich wol verstanden und lasse úch wissen, daz ich hern Johans wil besenden und besprechen, so ich schierste mag. Und wie er mir denne antwurt, daz wil ich úch óch lassen wissen und wil óch dar zú tûn waz ich tûn sol und als ich es vor^a mine herren dem keyser getruwe wol zu verantwortende. Datum in Hagenowe feria quinta post dominicam Invocavit.

Styslav von der Wytenmûln
lantvogt zú Elsass.

[*In verso*] Den erbern wisen dem meister und dem rate zú Strassburg.

Str. St. A. V. C. G. Corp. B lad. 28 nr. 30. or. ch. lit. cl. e. sig. in v. impr. del.

a) vor ist übergeschrieben über dick angestrichenes Wort.

¹ Das Datum ergibt sich aus dem zu diesem Schreiben in Beziehung stehenden Briefe nr. 876. Schüller setzt den Brief zwischen zwei Schriftstücke des Jahres 1375 und Schöpflin Als. II, 568 datiert ihn danach «circa anno 1375.»

Faint, illegible text at the top of the page, possibly a header or title.

Second block of faint, illegible text.

Third block of faint, illegible text.

Main body of faint, illegible text, appearing to be a list or series of entries.

Fourth block of faint, illegible text.

Fifth block of faint, illegible text.

Sixth block of faint, illegible text.

Seventh block of faint, illegible text.

Eighth block of faint, illegible text.

Ninth block of faint, illegible text.

Tenth block of faint, illegible text.

Final block of faint, illegible text at the bottom of the page.

861. *Hagenau an Kaiser Karl IV: bittet Straßburg und dessen Bürger in ihren Rechten auf Illkirch, Grafenstaden und Ilwickersheim zu schützen.*

1370 März 9.

Dem allerdurchlüchtigstem fürsten und^a herren . . herren Karlen von gotz gnäden Römischen keyser zû allen ziten merer dez rychs und kunig zû Beheim embieten wir der meister und der rat und^b uwere burgere gemeinliche von Hagenowe unsern undertenigen^c willigen dienst mit^d gantzer gehorsamkeit also wir billich sülent. Gnediger herre. Wir begerent uwere gnåde zû wiszende, das uns vürkomen ist, daz etwaz misshelles gewesen sie zwischent unsern lieben fründen und eytgnoszen dem burgermeister, dem rate und den burgern der stat zû Strazburg und sündeliche den Zörnen iren burgern eins teils und andersite hern Johans Erben einem ritter^e von der dörffer wegen Illenkirche, Grafenstaden und Ilwickersheim und dez vares uf der Ille zû Grafenstaden. Dez selben misshelles und der sachen sie zû beidensiten komen sint vür uwere keyserliche hocheit, also^f ire botten vürlegende werdent, sie dar inne von enander zû rihtende. Und sider ir in die gnåde habent uf getân, daz ir sie meint bi iren friheiten zû hanthabende und zû schirmende und uns und andern uern und dez heiligen rychs stetten in Elsz empfolhen hant, daz wir in bigestendig und beholfen sin sülent, und wir uns och dar uf zû in verpflichtet und verbunden hant, so bittent wir uwere keyserliche gnåde also ernstliche und demüteliche, also wir iemer mügent, daz ir den selben unsern eytgnoszen der stat zû Strazburg und iren burgern uwere gnåde miltekliche mitteilen wellent und sie bi den friheiten und gnäden, die sie von uerre übertreffende wirdi und von andern Römischen keysern und künigen, uern vorfarn an dem Römischen ryche, hant und harbraht habent, und sündeliche bi den vorbenanten dörffern und dem vare laszen bliiben, und das sie sie in der mäszen habent und besizent, also sie untze har getân hant, und uern trostberlichen gunst dar inne gegen in keren wellent, daz sie befinden mügent, daz in dise unsere geneigliche bete gegen uern gnäden wol erschoszen sie. Da mit erfrowent ir uns und die unsern manigvaltekliche, wande wir ir und irre fröntschafte iemer dest vürbaz truwent zû genieszende. Datum etc. sub^g sigillo nostro presentibus tergotenus appresso sabbato post dominicam Invocavit anno 70.¹

Str. St. A. V. C. G. Corp. B lad. 28 nr. 20. conc. cñ.

a) und ist *übergeschrieben*, davor *ausgestrichen* unsern gnedigen. b) und — von *übergeschrieben* anstatt des *gestrichenen* der stat zû. c) hier ist *schuldigen gestrichen*. d) mit — sülent *übergeschrieben* anstatt des *gestrichenen* und waz wir wirdi und ernen vermügent. e) einem ritter ist *übergeschrieben*. f) also — werdent *übergeschrieben*. g) von hier an von *anderer Hand nachgetragen*.

¹ Entsprechende *Concepte* für Colmar und Schlettstadt, in denen das Datum nicht nachgetragen ist, ebendortselbst und nr. 31.

Das System der Kassen... (mirrored bleed-through from the reverse side)

Die Verwaltung... (mirrored bleed-through from the reverse side)

Die Verwaltung... (mirrored bleed-through from the reverse side)

Die Verwaltung... (mirrored bleed-through from the reverse side)

Die Verwaltung... (mirrored bleed-through from the reverse side)

Die Verwaltung... (mirrored bleed-through from the reverse side)

Die Verwaltung... (mirrored bleed-through from the reverse side)

362. *Der Ratsbote Walther Wasicher bekundet, daß Johann Erbe wegen der Dörfer Illkirch, Grafenstaden und Illewickersheim kein Recht vor dem Rate nehmen will.* 1370 März 11.

Ich Walther Wassicher ein burger zû Strasburg tû kunt mengelichem mit disem
 5 briefe, daz ich wol weis, daz her Claus Zorn von Bûlach ein ritter, schultheisse
 zû Strosburg, Hügely und Lienhart Zorn den man spricht Schultheisse und ander
 ire gemeiner an den dörffern Illekirche, Gravenstaden und Illewickersheim allewegent
 daz reht buttent zû tûnde hern Johans Erben vor meister und rate zû Strosburg
 von der misschelle und ansproche wegen, so der vogenant her Johans Erbe het an
 10 die vogenanten her Claus Zorn von Bûlach, Hügeli und Lienhart Schultheisse und
 ire gemeiner der vogenanten dörffer. Daz reht versprach der egenant her Johans
 Erbe und wolte nût zû rehte ston noch rehtes gehorsam sin vor meister und rate
 zû Strosburg. Ich weis ðch wol, daz der vogenant her Johans Erbe darûber unser
 burger gevangen het und in daz ire genummen. Diz spriche ich bi dem eide, den
 15 ich der stat zû Strasburg und dem rate geton habe, wenne ich ðch in botten wis
 von dem rate geschicket wart uf tage und stunde, die sù mittenander hettent, daz
 es also ergangen ist, also do vor stot geschriben. Und dez zû eime urkûnde so han
 ich der vogenant Walther Wahssicher min ingesigel an disen brief gehenket. Der
 wart gehen uf den mentag noch dem sunentage in der vasten, so man singet
 20 Reminiszere, in dem jare do man zalte von gotz gebûrte drizehen hundert jar und
 in dem sùbenzigisten jare.¹

Str. St. A. V. C. G. Corp. B lad. 22. or. mb. c. sig. pend.

363. *Karl IV an Straßburg: befiehlt, dem Meister des Predigerordens gegen ungehorsame Nonnen behilflich zu sein.* 1370 April 4 Guben.

25 Karl von gots gnaden Romischer keiser zu allen czeiten merer des reichs und
 kunig zu Beheim.
 Lieben getruwen. Uns ist furkomen, wie daz etliche nunnen prediger ordens
 in der stat zu Strasburg ungehorsam seint dem erwirdigen Elya meister des-
 selben ordens, dem provincial und andern brudern doselbest, unsern liben au-
 30 dechtigen, also daz derselben nunnen eyn teile wider gehorsam us den clostern
 louffen mit hilffe und rate etlicher leute doselbest zu Strazzburg und daz die
 egenanten bruder nicht gestraffen mogen. Dorumb empfen wir euern truwen
 ernstlich und gebiten euch vesticlich, daz ir des euern burgern oder anders
 iemands nicht gestattet, sunder demselben meister provincial und andern brudern
 35 desselben ordens ernstlich und hefticlich beholffen seit, dieselben nunnen zu straffen,

¹ Unter gleichem Datum und unter März 9 mehrere Zeugnisaussagen, welche bestätigen, daß daz var zu Grafenstaden Almende ist. Ebendortselbst Lade 22 und 27, sowie Briefbuch A 271 ff.

Der Kaiser hat die Reichsstände zu dem Reichstag zu Regensburg am 1. März 1548 eingeladen.

Die Reichsstände haben sich am 1. März 1548 in Regensburg versammelt. Der Kaiser hat ihnen seine Absichten mitgeteilt, die Reichsstände haben sich dagegen erklärt.

Der Kaiser hat die Reichsstände am 1. März 1548 in Regensburg eingeladen.

Der Kaiser hat die Reichsstände am 1. März 1548 in Regensburg eingeladen.

Die Reichsstände haben sich am 1. März 1548 in Regensburg versammelt. Der Kaiser hat ihnen seine Absichten mitgeteilt, die Reichsstände haben sich dagegen erklärt.

Der Kaiser hat die Reichsstände am 1. März 1548 in Regensburg eingeladen.